

July 2018



UNIVERSITI
TEKNOLOGI
MARA

76th ISSUE

info kampus

UITM SARAWAK BULLETIN



ISSN 2232-1578



9772232157005

BENGKEL HORIZON BARU


KUMPULAN INOVATIF DAN KREATIF (KIK) UiTM SARAWAK

Oleh: Jawatankuasa Kumpulan Inovatif dan Kreatif (KIK)

Kumpulan Inovatif Dan Kreatif sememangnya sinonim dengan UiTM Sarawak. Bermula dari tahun 2008 sehingga sekarang, pelbagai kejayaan telah dikecapi oleh KIK UiTM Sarawak samada di peringkat universiti, negeri, kebangsaan mahupun antarabangsa. Bagi melestarikan amalan KIK di UiTM Sarawak, program-program pembangunan KIK kerap diadakan oleh Jawatankuasa Kumpulan Inovatif Dan Kreatif UiTM Sarawak.

Terbaru adalah Bengkel Horizon Baru KIK yang berlangsung pada 12 hingga 13 Mac 2018 bertempat di Ruai Pengawa UiTM Kampus Samarahan. Moderator jemputan adalah Encik Mohamad Shahrudin Zaidil dari INTAN Cawangan Sarawak.

Peserta yang sedang khusyuk mendengar ceramah.



Sebanyak sepuluh Bahagian dan Unit dari UiTM Sarawak telah menyertai bengkel 2 hari ini yang membawa kepada penubuhan tigabelas KIK baru di peringkat UiTM Sarawak; masing-masing dengan projek-projek inovasi yang dapat memberi impak positif kepada universiti. Diharap kumpulan-kumpulan Inovatif Dan Kreatif ini akan terus maju dengan projek masing-masing sehingga ke peringkat yang tertinggi.



GAMBAR KIRI: Moderator, Encik Mohamad Shahrudin Zaidil dari INTAN Cawangan Sarawak menerima cenderahati dari UiTM Sarawak; GAMBAR KANAN: peserta bergambar kenangan bersama Encik Mohamad Shahrudin Zaidil.




BENGKEL PEMANTAPAN AKADEMIK RISK AND INSURANCE (INS200)

Oleh: Carolin Ann Enchas

Pada 5 Mei 2018 yang lalu, Fakulti Pengurusan Perniagaan telah menganjurkan satu bengkel akademik bagi kod kursus INS200 (*Risk & Insurance*) bertempat di Dewan Tellian, UiTM kampus Mukah. Bengkel ini disertai oleh pelajar-pelajar Semester Dua program Diploma Perbankan dan pelajar semester akhir bagi program Pengajian Perniagaan. Seramai 112 orang pelajar hadir ke bengkel tersebut. Fasilitator jemputan pada hari itu ialah Encik Oswald Timothy Edward yang merupakan pensyarah kanan di UiTM Segamat, Johor. Beliau juga merupakan salah seorang penulis buku teks *Risk & Insurance* yang sedang digunapakai oleh para pelajar yang mengambil kod kursus INS200 ini.

Objektif bengkel ini adalah untuk memberi pendedahan kepada para pelajar tentang teknik-teknik menjawab soalan-soalan peperiksaan akhir serta membantu mempertingkatkan pengetahuan mereka dalam bidang insurans. Bengkel ini telah berlangsung dengan jayanya selama satu hari bermula dari pukul 8.00 pagi dan berakhir pada pukul 5.00 petang.





UNIVERSITI
TEKNOLOGI
MARA

Corporate Communications and International Relations Unit

**Universiti Teknologi MARA Cawangan Sarawak
Blok Pentadbiran, Kampus Samarahan 2
Jalan Datuk Mohd Musa
94300 Kota Samarahan
Sarawak, Malaysia**

**Tel: 082 - 678 130 | Fax: 082 - 678 110
E-mail: korporat_swk@uitm.edu.my
www.sarawak.uitm.edu.my**